

LATIHAN SILAT KITA PERLU DIPERBAIKI

KAEDAH latihan silat negara ini didakwa masih lemah dan perlu dibaiki, terutama selepas pasukan negara gagal memenangi empat pingat emas Sukan SEA di Jakarta baru-baru ini, lapor MOHD RAHIME YUSOF. *BERITA HARIAN*

Corak latihan didedahkan oleh jurulatih kebangsaan, Anwar Abdul Wahab, masih boleh dipertikaikan kerana banyak kelemahan ketara di segi teknik, taktik serta konsep silat olahraga itu sendiri dapat dikesan.

Jika sistem latihan itu tiada menerima perubahan ketika

latihan pusat pada 1 November sebagai persiapan Kejohanan Silat Sedunia Ke-4 di Kuala Lumpur 2-9 Disember ini, Malaysia akan menerima padah lebih buruk daripada di Jakarta.

Persekutuan Silat Kebangsaan Malaysia (Pesaka) perlu memberi perhatian serius terhadap sistem latihan supaya kelemahan ketara dapat diatasi segera. Sehubungan, Pesaka perlu melantik barisan jurulatih berkebolehan yang benar-benar layak melatih pesilat-pesilat negara.

Kelemahan sistem latihan itu diakui oleh Pengurus Pencak Silat Selangor, Adnan Zakaria yang mendakwa kegagalan di Jakarta itu ada

- 4 OCT 1987

kaitan dengan kekurangan pengalaman jurulatih terhadap konsep silat olahraga itu sendiri.

Katanya, kalau keadaan ini berterusan usaha mengibarkan bendera negara dalam kejohanan dunia tidak akan tercapai.

"Saya tidak mengatakan jurulatih itu lemah tetapi pendedahan di segi konsep silat tidak begitu mendalam terutama dalam soal teknik dan taktik menyerang," katanya.

Bagaimanapun beliau percaya segala kelemahan itu boleh diatasi kalau semua pihak memberi kerjasama erat dalam menjayakannya.

Siti Anida
Harian (M)

menebus
kekehampaan
- 5 OCT 1987

DUA pesilat wanita negara, Siti Anida Mahah dan Siti Azahariah Husin yang gagal mengutip pingat di Sukan SEA Jakarta, berazam menebus kehampaan itu dalam Kejohanan Silat Sedunia Ke-4 di Kuala Lumpur pada 2-9 Disember depan.

Kekecewaan menyelubungi wajah kedua-dua pesilat itu kerana mereka saja yang gagal memenuhi matlamat Persekutuan Silat Kebangsaan Malaysia (Pesaka) selepas 13 rakannya membawa pulang dua pingat emas, tiga perak dan lapan gangsa.

Kekalahan Siti Anida tidak boleh dipertikaikan kerana dia hanya mengambil masa dua minggu menjalani latihan pusat selepas gagal mendapat kelepasan daripada UKM.

Siswi tahun pertama pengajian Komunikasi itu masih bersemangat untuk membuktikan keunggulannya dalam kejohanan Silat Sedunia nanti jika tenaganya masih diperlukan.

Siti Azahariah pula menganggap kegagalan itu satu pengajaran berguna dan berazam memperbaiki kelemahan yang ketara.

"Saya akan berusaha lebih gigih menghadapi kejohanan antarabangsa jika dipilih," katanya.

Pelajar tahun pertama kajian Seni Bina Insti-



■ SITI ANIDA...kegagalan di Sukan SEA Jakarta jadi pengajaran.

(IKM), Petaling Jaya itu, berkata dia masih kurang pendedahan dalam ilmu silat ini kerana baru mempelajari rinya lima bulan lalu.

Menurutnya, pengetahuan lebih mendalam hanya diperolehi ketika menjalani latihan pusat dua bulan sebelum ke Jakarta.

KEJUARAAN SILAT SEDUNIA



Anjuran Bersama

KEMENTERIAN KESUKSESAN DAN PELAJANG NEGARA MALAYSIA

